

KONCESIJE

PROCEDURA ZA DOBIJANJE KONCESIJE, ODOBRENJA ZA ISTRAŽIVANJE I EKSPLOATACIJU MINERALNIH SIROVINA

Istraživanjem i eksploatacijom mineralnih sirovina mogu se baviti privredna društva koja su registrovana za obavljanje te djelatnosti.

Preduslov odnosno osnov za dobijanje odobrenja za istraživanje ili eksploataciju mineralnih sirovina (član 16. stav 2. i član 46. Zakona o rudarstvu «Sl.novineSBK, broj 15/01, 3/10 i 8/12») je Odluka o dodjeli koncesije (koncesijski ugovor) za istraživanje ili eksploataciju mineralnih sirovina koju donosi Vlada SBK prema Zakonu o koncesijama (Sl.novine SBK, broj 8/09).

Visina naknade koju plaća korisnik koncesije i pripadnost prihoda ostvarenih na ovaj način uređeni su odredbama Zakona o koncesijama SBK, Zakonom o rudarstvu SBK i Odlukom Vlade SBK o prosječnoj prodajnoj cijeni jedinice mjere pojedinih mineralnih sirovina, koja služi kao osnovica za obračun naknade za koncesiju (Sl.novineKSB, broj: 6/10 i 7/12).

Zakonom o koncesijama propisana su dva načina pokretanja postupka dodjele koncesija i to:

- na prijedlog Ministarstva privrede;
- na osnovu samoinicijativnog zahtjeva stranke.

U obadva slučaja postupak dodjele koncesije je putem javnoga konkursa.

Koncesije se dodjeljuju posebno za istraživanje, a posebno za eksploataciju.

PROCEDURA DODJELE KONCESIJE PUTEM SAMOINICIJATIVNE PONUDE (ČLAN 8. ZAKONA O KONCESIJAMA SBK)

KONCESIJA ZA ISTRAŽIVANJE

1. Stranka Ministarstvu privrede podnosi zahtjev za pokretanje postupka za dodjelu koncesije koji sadrži:
 - a. Studiju o ekonomskoj opravdanosti u sklopu koje će biti sadržane procjene zaštite okoliša. (Sadržaj studije je propisan stavom 3. člana 7. Pravilnika o načinu procjene najpovoljnije ponude za dodjelu koncesije iz nadležnosti Ministarstva privrede te dokumentaciji potrebnoj za postupak procjene, Sl.novineSBK, broj 12/09);
 - b. Kartu područja na kojem se nalazi predmet koncesije (mjerilo 1:10.000 i veće);
 - c. Saglasnost općinskog vijeća lokalne zajednice na čijem području se dodjeljuje koncesija.
2. Komisija za koncesije na osnovu kompletne dokumentacije vrši procjenu postojanja javnog interesa.
3. Nakon utvrđivanja javnog interesa Komisija za koncesije predlaže Ministru privrede da pokrene postupak dodjele koncesije.
4. Na prijedlog Ministra privrede Vlada SBK donesi odluku o pokretanju postupka dodjele koncesije.
5. Ministarstvo privrede raspisuje Javni konkurs za odabir najpovoljnijeg ponuđača.

6. Komisija za koncesije provodi postupak izbora najpovoljnijeg ponuđača i dostavlja Ministru privrede prijedlog preporuke za najpovoljnijeg ponuđača.
7. Na prijedlog Ministra privrede Vlada donosi Odluku o dodjeli koncesije.
8. Zaključenje ugovora o koncesiji - Ministarstvo privrede.

KONCESIJA ZA EKSPLOATACIJU

Procedura dodjele koncesije za eksploataciju mineralnih sirovina provodi se po ispunjavanju od strane koncesionara odredbi koncesijskog ugovora o istraživanju (izvršena istraživanja i elaborirane geološke rezerve mineralnog resursa).

Sam tok procedure dodjele koncesije za eksploataciju je identičan proceduri dodjele koncesije za istraživanje osim što Zahtjev za pokretanje postupka za dodjelu koncesije treba da sadrži i:

- Troškovnik istražnih radova sa pojedinačnim i ukupnom cijenom istražnih radova te odgovarajuće dokaze za iste.

ODOBRENJE ZA ISTRAŽIVANJE MINERALNIH RESURSA

Uz zahtjev za izdavanje odobrenja za istraživanje prilaže se (član 23. Zakona o rudarstvu):

- odluka o dodjeli koncesije (koncesijski ugovor);
- urbanistička, šumarska, vodoprivredna saglasnost za istražni prostor;
- revidovan projekat istražnih radova;
- izvod iz sudskog registra iz kojeg je vidljivo da je registrovan za eksploataciju ili istraživanje mineralnih sirovina.

Na osnovu zahtjeva Ministarstvo privrede izdaje Rješenje – odobrenje za istraživanje mineralne sirovine.

Ovo Rješenje sadrži :

- izvođača kojem je odobreno istraživanje i predmet istraživanja;
- količinu mineralnog resursa koji se može vaditi u fazi istraživanja;
- vrijeme važenja rješenja;
- obaveza izvođača u oblasti zaštite okoliša i građana.

Nakon završetka istraživanja izvođač je dužan Ministarstvu privrede podnijeti konačan izvještaj o rezultatima istraživanja i tehnološkim ispitivanjima.

ODOBRENJE ZA EKSPLOATACIJU I EKSPLOATACIJSKI PROSTOR

Uz zahtjev za izdavanje odobrenja za eksploataciju prilaže se (član 47. Zakona o rudarstvu):

- odluka o dodjeli koncesije (koncesijski ugovor) za eksploataciju mineralne sirovine;
- situacijsku kartu s ucrtanim granicama eksploatacionog polja;
- dokumentaciju obavljenih istraženih radova sa podacima o utvrđenim količinama i kvalitetu mineralnog resursa;

- obrazloženje korisnosti eksploatacije ležišta mineralnih sirovina sa prikazom načina dobijanja, pripreme, obogaćivanja, oplemenjivanja, upotrebe i plasmana,
- podaci o tehničkoj opremljenosti i o stručnoj osposobljenosti radnika za eksploataciju mineralnih sirovina.

Na osnovu zahtjeva nadležno kantonalno ministarstvo izdaje Rješenje – odobrenje za eksploataciju mineralnih sirovina

Rješenje kojim se odobrava eksploatacija sadrži:

- naziv izvođača kojem se odobrava eksploatacija;
- položaj i tačne granice eksploatacionog prostora;
- vrstu mineralne sirovine koja će se eksploatirati;
- način eksploatacije (površinski ili podzemni);
- rok u kojem se moraju izvršiti pripremne radnje i početi sa eksploatacijom;
- rok važnosti odobrenja.

ODOBRENJE ZA OBAVLJANJE RADOVA

Potom uz zahtjev sa dva revidovana primjerka projekta glavnog ili rudarskog projekta Ministarstvo privrede izdaje Rješenje – odobrenje za izvođenje radova po glavnom i dopunskom rudarskom projektu.

Uz projekat zahtjev sadrži (član 78. Zakona o rudarstvu):

- odobrenje za eksploataciju;
- potvrda o revidiranju rudnih rezervi;
- potvrda o pravu korištenja ili pravu vlasništva nad zemljištem koje je određeno za eksploataciju mineralnih sirovina i nad površinama koje se zahvaćaju projektom;
- urbanistička saglasnost;
- izvještaj revizora o reviziji projekta.

ZAKONSKI OSNOV

- Zakon o koncesijama (Službene novine Srednjobosanskog kantona, broj 8/09)
- Zakon o rudarstvu (Službene novine Srednjobosanskog kantona, broj 15/01, 3/10 i 8/12),
- Pravilnika o načinu procjene najpovoljnije ponude za dodjelu koncesije iz nadležnosti Ministarstva privrede te dokumentaciji potrebnoj za postupak procjene (Službene novine Srednjobosanskog kantona, broj 12/09).